

mainatges d'òc **PLUMALHON**



Los trens

T'agradan, los westerns ? T'agrada de veire

Lo sheriff que claus en prison lo bandit ?



Gorrin e Pipaut



Pòl Emili



Lo cèrvi

Lo cèrvi es un mamifèr que viu en Euròpa. Los mascles pòdon pesar unes 250 kg, mas dins los Carpats, n'i a qu'arriban a 400 kg.

qu'aquelas banas tomban cada an e tornan créisser un pauc mai grandas. Mai las banas son longas, mai lo cèrvi es vièlh.

Lo cèrvi viu ont i a de bòsques, que siá per las planas o en montanha. Li agrada pas tròp la companha dels òmes e s'amaga.

Lo cèrvi sortís puslèu a boca de nuèch, alara fa pas bon lo veire de jorn.

Los mascles an sul cap çò qu'apelam ordinàriament de banas. Cal saber



Tèxte e fòtos Fred Lavail

Los cèrvis son d'erbivòrs. Manjan d'èrba mas tanben la rusca jove dels arbres, los camparòls o la frucha quand ne tròban. Dison que per se noirir, pòdon far de 50 a 70 quilomètres cada nuèch.



Al mes de setembre e d'octòbre, es la sason de las amors. Cèrvis e cèrvias se tòrnan trobar. A aquela epòca s'ausís bramar los mascles. Fan aquel crit rauc per far venir las cèrvias.



Aquel cervion poirà viure duscas a 20 ans se lo caçan pas.

Se los mascles vièlts vivon sols, las femèlas, las cèrvias, vivon en escabòt. Forman un tropelet amb los pichons, los cervions.



Los cervions naisson al mes de mai o de junh, e popan la maire un desenat de meses.

Un cèrvi pòt viure un vintenat d'annadas.